

Baluwa jhutato jha Yohane Ulongolelo

Baluwa jhutato jha Yohane ikajhandikwe na ntenga Yohane kipinde cha muchaka cha makome nhwano ade makome kome kubhoke pabhelwika Yecho Kilichitu. Yohane akilongolelajhe jwenio kubhehe ndi jwajhandike, nambo akikemita kilongoche nchitale gwa 1. Akatehi helahela mu baluwa jhake jha ubhele Yohane nchitale gwa 1. Inhobheleka kubhehe Yohane akajhandike chimo cha itabo ncheche ya Lilobhe lya Mbone lya Yecho Kilichitu, pamonga na baluwa itato, yane baluwa jha kutumbula na jha ubhele na jha utato pakibha atamita ku muche gwa ku Epecho.

Yohane akajhandike baluwa jhenje kwa mundo jwanyeketile Kilichitu jwakemitwa Gajho. Ilonge nako ngita nkoche gwake na kunnaghalikiya kubhehe abhapokele kajha jhake akalongo bhuhanyeketii Kilichitu bhibhatyangila pa kilambo chenie.

Ghughabhii mukitabo

Yohane ichimulila baluwa jhake, mu nchitale gwa 1.

Yene anneke mwojho Gajho na kulangi mwojho gwa mbone gwa kwapokela akalongo bhuhanyeketii Kilichitu, mu nchitale gwa 2-8.

Kabhele ilongelela malobhe gha bhando bhabhele, Diotilefe na Demetilio, mu nchitale gwa 9-12.

Ijhomolela kujhandika baluwa jhake, mu nchi-tale gwa 13-14.

¹ Ne nakighogholo.

Ninnyandikila mwenga makochi bhango ma Gayo, jhunimpala mu uchakaka gwa kumanya Kilichitu.

² Nkoche gwango jhunimpahi, ninnyope ilebhe yoha inyendela maha mwenga na ninyope ughome gwa yegha jhino ubhaha mbone ngita hela uhuke gwino chiubhii mbone.

³ Nhwalo nikahangine hake bhibhanyeketii Kilichitu bhajhino pibhahikita pamba na kuchimulila kuhobholeka kwino na hele chimitama kwa uchakaka.

⁴ Kibhii jhe kilebhe chikihanganicha hake kuliku kujhoha yana yango itama mu uchakaka.

Kwatangatii bhange

⁵ Akakoche bhango bhunimpahile, lihengo limuhenga lya kuhobholeka kila mala kwa akalongo na ata kwa akaghene.

⁶ Bhando bheniya bhilonge kwa bhando bha pamba bhubhanyeketii Kilichitu ilebhe ya upalo gwino. Chonde matangatile bhajhenderele na mwanja gwabhe ghupakunhalalicha Chapanga.

⁷ Nhwalo pibhatumbuu mwanja gwabhe gwa kunhenge Kilichitu bhakapokii jhe kilebhe chochoha kuhumii kwa bhando bhangannyekete Chapanga.

⁸ Bhahe, twenga tupalwa twatangatila bhando ngita bheniya, kupala na twenga tabhaha pamonga mu lihengo lyabhe lya kutangacha uchakaka.

Diotelefe na Dematilio

⁹ Nikajhandike baluwa kwa lilongo lyenio lya bhando lilinnyeketii Kilichitu, nambo Diotelefe, jwaipala hake kubhehe kilongoche gwabhe, apala ng'o kutujhokanikiya.

¹⁰ Yene, pimbala kuhika nanongela yoha yateile nanongela malobhe ghuwange ghatukopokiye twenga! Kabhele gheniya tujhe, jwenio ikana kwapoke akalongo bhubhabhii mu mwanja. Na ajhakwakanakii bhando bhange bhibhapala kwapokela akaghene na kupala kwabhenga bhabhoke mu lilongo lya bhando bhubhannyeketii Kilichitu ajhito.

¹¹ Makoche bhanimpahile, mangalogwa kujigha ghangandanela, nambo nnyighe ghambone. Kila jwahenga ghambone ndi jwa Chapanga, nambo jwahenga mabhoho anaumanya jhe Chapanga.

¹² Kila mundo annumbalii Dematiliyo kwa ghamaha ghahenga, uchakaka gwene ulangiya kilebhe chenie. Na twenga hele tujheketii yenio na mwenga umanye kubhehe chitulonge ndi uchakaka.

Nyambuchilo jha kujhomolela

¹³ Ngwete ghamahela ghukulonge, nambo mbahijhe kulonge kwa kunnyandikila mu baluwa jhenje.

¹⁴ Nambo nihobholela kukongana na mwenga pahina naha na peniya ndi natulongela pitupa kubhehe pamonga.

¹⁵ Ninyope uteeke ubhaha pamonga na mwenga.

Akakoche bhino bhinyambucha. Mwajham-
buche akakoche bhito bhoha kila mundo kwa
liina lyake.

Ndendeule

Ndendeule: Ndendeule (New Testament) for Tanzania

copyright © 2020 The Word for the World International

Language: (Ndendeule)

Contributor: The Word for the World International

The New Testament in Ndendeule Language.

The Word for the World

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-01

PDF generated using Haiola and XeLaTeX on 1 May 2025 from source files dated 1 May 2025

463e1ded-27ea-5916-a8ed-170cdb8d87e3